

ՎԱՍՏԱԿԱՇԱՏ ԳԻՏՆԱԿԱՆԸ

Լրացավ դիտություն վաստակավոր գործիչ, պատմական գիտությունների դոկտոր Սրբուհի Լիսիցյանի ծննդյան 80 և գիտամանկավարժական գործունեության 60-ամյակը: Նրա անունը կապվում է Հայագիտության մի նոր ուղղության՝ պարավեստագիտության հիմնադրման հետ:



Բնակվելով Բրիլիսիում, Սրբուհի Լիսիցյանը տակավին 1917 թ. հիմնադրել է ասմունքի, դիմի և պլաստիկայի ստուդիա, որն հետագայում վերածվեց ինստիտուտի: Երիտասարդ արվեստագետը ղեկավարում էր ոչ միայն ինստիտուտի գեղարվեստական բաժինը, այլև բեմադրում էր ռուսական ու արևմտաեվրոպական կոմպոզիտորների ստեղծագործություններ, ծրագրի մեջ մտցնելով նաև մի շարք ասիական (կամ կովկասյան) պարեր:

1924 թ. Սրբուհի Լիսիցյանը սկսում է ժողովրդական պարերի գրանցումը: Լինելով Հայաստանի լուսժողովատնի կից նյութական մշակույթի ու պատմության ինստիտուտի աշխատակից, նա, սկսած 1932 թ., մասնակցում է ազգագրական գիտարշավներին և գրանցում հայ ժողովրդի պարային ու թատերական ժառանգության ուշագրավ նմուշներ: Սակայն, հասկանալով որ գրանցման նկարագրողական մեթոդը շարժումն ամբողջությամբ ու ճշտությամբ չի պահպանում,

Լիսիցյանն ուսումնասիրում է այն արձանագրելու բոլոր հնարավորությունները, օգտագործում նախորդների փորձը և ստեղծում է նոր սխեման՝ Շարժման գրանցում: Լիսիցյանի շարժման գրանցման սխեման ունի 32 նշան և տարածության մեջ գտնվող մարդու բոլոր շարժումները գրանցում է մաթեմատիկական ճշտությամբ: Պատահական չէ, որ այժմ շատ մասնագետներ (այդ թվում և արտասահմանյան) ուսումնասիրում են նրա մեթոդներն ու գրանցման սխեման: Սրբուհի Լիսիցյանը թափանցել է ինչպես պարավեստի և թատերագիտության, այնպես էլ շարժումը արձանագրելու պրոբլեմների էություն մեջ և լուծել է դրանք:

Հայ հոգեոր մշակույթի գարգացման գործում արվեստագետի մյուս խոշոր ծառայությունը դարերի ու հազարամյակների ընթացքում ստեղծված ու մեղ փխանցված հայկական ժողովրդական պարերի հավաքումն է: Նրա շնորհիվ հիմք դրվեց մի արխիվի, որը բաղկացած է մոտ 2000 պարային ու թատերական նմուշներից: Այդ նյութերի մի մասը հրատարակվել է «Հայ ժողովրդի ինստիտուտ» պարերն ու թատերական գործողությունները մենագրության առաջին (1958) ու երկրորդ (1972) հատորներում: Այս ուսումնասիրության արժեքը ոչ միայն պարերի, նրանց պարեղանակների ու տեքստերի հրատարակման մեջ է, այլև դրանց ժանրերի, առանձին խմբերի, ձևերի ու նրանց դասակարգման մեջ: Վերլուծելով հայ պարային ֆոլկլորը, Լիսիցյանը բացատրել է պարերի ժանրային հատկանիշներն ու նրանց հնագույն ժամանակներից եկող էությունը, նշանակությունն ու բովանդակությունը: Դրանք ռազմական, ճանապարհի, սգո ու թաղման, վիպական, կախարդական, տոտեմական և այլ պարեր են:

Սրբուհի Լիսիցյանը արվեստի, ժողովրդական պարի և թատրոնի ճանաչված գիտակ է, բանասեր, երաժշտագետ, պատմաբան ու ազգագրագետ:

ԷՄՄԱ ՊԵՏՐՈՍՅԱՆ
Արվեստագիտության քեկեածու